



UNIVERSITÄTS-
BIBLIOTHEK
PADERBORN

Universitätsbibliothek Paderborn

Bibliotheca Pontificia

Jacob, Louis

Lvgdvni, 1643

Approbationes

urn:nbn:de:hbz:466:1-11153

APPROBATIONES

R. P. Magistri Reginaldi de Vaulx, Doctoris Parisiensis,
Ordinis Carmelitarum.

VT Bibliotheca hæc Pontificia ex his constat, qui errare, saltem in fide, minimè possunt, ut vniuersalis credit Ecclesia: ita nulli in ea querendi sunt errores. Fideliter enim ac summa cum solertia ab Auctore suo collecta est, ac emendata; idcirco non modò inoffenso pede, sed etiam utilissimè legi ac decurri posse ego infra scriptus Doctor Almae facultatis Parisiensis, ac maioris Conuentus Patrum Carmelitarum Lugdunensium Prior testor. Actum in Carmelo nostro Lugdunensi die decima septima Decembris anni Domini millesimi sexcentissimi quadragesimi primi.

FR. REGINALDVS DE VAULX, humilis Prior
PP. Carmelitarum Lugdunensium.

R. P. Magistri Claudij Perier, Doctoris Theologi
Ordinis Carmelitarum.

EGo Fr. Claudius Perier Almae facultatis Tolosanae Doctor, & Carmelitarum Ordinis professus Sacerdos, quam libenti animo *Bibliothecam Pontificiam*, non modò ingenti & fideli labore à R. P. Ludouico Jacob à S. Carolo, eiusdem Ordinis Carmelitici professo Sacerdote, concinnatam esse attestor, verùm Pontificiam maiestatem sapere ad sobrietatem contendo. Datum in Carmelo nostro Lugdunensi die 2. Ianuarij 1642.

FR. CLAVDIVS PERIER.

R. P. M^o

R. P. Magistri Michaëlis Micard, Doctōris Parisiensis
Ordinis Minorum.

Ego *infra scriptus facultatis Parisiensis Doctōr Theologus, & Con-
uentus S. Bonaventurae Lugduni Guardianus*; testor me vidisse,
*ac legisse librum, Bibliotheca Pontificia, inscriptum, in quo omnia
& singula orthodoxa fidei consona, & maximo cum labore inuestiga-
ta, ac proinde dignum qui praelo committatur, iudico. Datum in pra-
dicto Conuentu vigesima Decembris anni 1641.*

FR. MICHAEL MICARD.

R. P. Magistri Joannis Chavanon, Doctōris Theologi
Ordinis Prædicatorum.

Silrent modò omnes Magnates terræ, nisi eorum virtus ce-
lebritate nominis sui, & stilo Scriptorum, qui famam eorum
ebuccinant, animos omnium posterorum vehementer com-
moueret. Silrent quoque non solum Consules, & Tribuni illi
terræ, de quibus S. Iob agit, nisi historici loquerentur. Denique
mihi silere visi fuissent Summi Pontifices Romani vitâ functi,
quorum sonus in omnem terram olim exiuit, teste Prophetâ,
nisi in hoc Opere R. P. F. Ludouicus Iacob à Sancto Carolo, Au-
thor duorum librorum, ex quibus constat *Bibliotheca Pontificia*,
eorum nomina celeberrima velut è tumulo suscitasset. Tantùm
ergo eius opus censeo, sentiôque, vt in lucem prodire mereatur.
Ita testor Lugduni in Conuentu Fratrum Ordinis Prædicato-
rum die 14. Ianuarij anni Domini 1642.

FR. IOANNES CHAVANON.

b 2

R. P. M^o

R. P. Magistri Joannis Teste-fort, Doctoris Theologi
Ordinis Predicatorum.

Istam *Bibliothecam Pontificiam*, non mole quidem corporea nimis immensam, sed spiritu & neruis ingentem, mirâ cum animi voluptate legi, selegi, collegi, probaui, approbaui, & legendam esse duxi, vt omnes eum inde fructum eliciant, quem ex huius laboriosi operis lectione deprompsi. Videns enim Summos Pontifices non minùs Epiraphiis, quàm celsis meritis locupletatos, à mortis falce demersos, communem vniuersæ carnis ingressos esse viam, (in talem enim finem maxima quæque dilabuntur) à sapore rerum carnalium, ad saporem spiritualium, & æternarum animum traduxi meum. Datum Lugduni die 9. Ianuarij anni Domini 1642.

FR. IOANNES TESTE-FORT.

Clarissimi viri Joannis Claudij de Ville, in S. Theologia Magistri, in Ecclesia S. Crucis Custodis, & D. D. Alphonsi Ludouici du Plessis de Richelieu, Eminentissimi Cardinalis, ac Reuerendissimi Archiepiscopi Lugdunensis, Vicarij Generalis substituti.

Inspectis à nobis præfatorum S. Theologiæ Doctorum scripto consignatis testificationibus de historiæ veritate & sana doctrina huius *Bibliotheca Pontificia duobus libris distincta*, R. P. F. Ludouico Iacob à S. Carolo, Ordinis Carmelitarum alumno Auctore, in propalandis Summorum Pontificum encomiis. Nos tam sanctorum Patrum, virtutibus iure debitas commendationes, tamque salutaris vitæ sanctioris Ecclesiæ fidelibus exempla destinata, concedere præli opera æquissimum iudicauimus. Lugduni 15. Cal. Febr. 1642.

DE VILLE, Vic. Gen. Subst.

Summa

*Summa Priuilegij à Christianissimo Galliarum
Rege concessi.*

LUDOVICI XIII. Galliaë & Nauarraë Regis
authoritate sancitum est, ac patentibus litteris
cautum, ne quis in regno suo, aliisve locis di-
tioni suæ subiectis, intra proximos septem an-
nos à die primæ impressionis inchoandos, ac numeran-
dos excudat, vendat, excudendum, vendendumque quo-
uis modo & ratione curet, librum, qui inscribitur: *Biblio-
theca Pontificia*, Authore R. P. F. Ludouico Iacob à Sancto
Carolo, Ordinis Carmelitarum, præter eum, vel illos qui-
bus ipsemet concesserit licentiam: idque sub confiscatio-
ne librorum, aliisque pœnis originali Diplomate contra
delinquentes expressis. Datum Parisiis die 19. Iulij, anno
1642.

De mandato Regis

Signatum,

O L I E R,

Ego præfatus Ludouicus Iacob à Sancto Carolo, virtute prædicti
priuilegij consensum meum præbeo, vt dictum librum imprimat
LAURENTIUS ANISSON, Bibliopola Lugdunensis. Datum Lugduni
die 3. Februarij 1643.

FR. LV D. I A C O B à S. Carolo.

b 3

INDEX